

# FRIULI D'OGGI



ORGANO UFFICIALE DEL MOVIMENTO FRIULI

Marzo - Anno XIV - N. 4 - quindicinale - una copia L.300 - sped. in abb.post.gr. 11/70% - c/c post.24/4581 - abb.annuo L.5.000 - sostenitore L.10.000

## ASEMBLÊ ZONÂL DAL MOVIMENT FRIÛL

### AI ADERENZ AL MOVIMENT FRIUL

A'son convocadis dal Ufisi di secreterie regional dal Moviment Friûl lis assembleis zonâls pa elezion dai gnûfs membrs dal diretif regionâl dal Moviment Friûl (77 membrs di elezi diretamentri su la base dai ultims risultâz eletorai) secont la date e il puest ch' o cjatais scrit chi vissin tal cuadrelut.

Chest prin apuntament, dopo lis elezions regionâls dal '78, che e' an viodût un gres suces dal Moviment Friûl e dopo lis pre assembleis, ch'a son stadis fatis par dut il Friûl, al' é nevore important par meti in pîs il gnûf consei diretif regionâl dal Moviment Friûl, ch'al' á ancje di elezi lis carichis diretivis dal Moviment Friûl e di indreçâ la pulitiche dal Moviment a duc' i nivei.

Il confuart dai risultâz eletorai al' á di jessi cumó confuartât da vuestre partecipazion e da vuestre disponibilítat a lavorâ par puartâ indevant lis batais ch' a nus spetin, pa ricostruzion e rinascite dal Friûl. Ai zovins, as feminis, ai tanc' di no che di timp á scombatin a pro dal Friûl l'invít a jessi presinc' duc' cuanc' e a metisi in vøre.

O' ricuardin che par podei votâ e jessi elezûs a carichis tal Moviment Friûl, bisugne vei firmât la cjarte di adesion al Moviment Friûl e pajade la quote di adesion (1000 francs pai žovins sot i 18 ains, 5000 par chei altris).

L'adesion a' si fâs ai secretariis di grop, dulâ ch' a son, as secretariis circoscrizionâls e ta sede di Udin, in vie Palladio 21.

Par favorî ulteriormenti lis adesions, la presidençe de assemblee a' sarâ presint sul puest a partî das siet e mieže di sere. Da chê ore as vot e mieže (ore da seconde convocazion) di sere, a cjaparâ—su lis adesions e lis cuotis dai aderenz dal Moviment Friûl ch' a vebin almancul un an di presince tal Moviment Friûl.

L' elezion e lis modalitâs a' son stabilidis dal articulo 5 dal Statût dal Moviment Friûl.

Us prein di no mancjâ. Mandi.

Ufisi di secreterie regionâl dal Moviment Friûl.

ASEMBLÊ da ZONE

**BUJE • GLEMONE**

as oris: 20.00 (1ª conv.)  
20.30 (2ª conv.)

**Miarcus 28.3.79**

**Gôt di Glemone**  
ex Asilo  
(dongje le latarie)

Numar di membrs di eleži  
ta zone:

**7**

nb: lis preferinciis ch'a si  
puedin dà ta schede a' no  
puedin jessi plui da metât  
dal numar di eleži

FRIULI D'OGGI — iscr. al n. 195 il 20-4-1966 trib. di Udine — Direttore responsabile: MARCO DE AGOSTINI

Redazione - amministrazione : via Palladio, 21 - 33100 Udine - telefono 0432/294869-

Stampato in proprio - Via Palladio, 21 - Udine